



20 JAN, 2023

Keunikan saluran pendedahan maklumat julang nama BERNAS

Berita Harian, Malaysia



Page 1 of 2

Anugerah AIGA 2022

Keunikan saluran pendedahan maklumat julang nama BERNAS

Kuala Lumpur: Keunikan saluran pendedahan maklumat atau 'whistleblowing channel' melonjak Padiberas Nasional Berhad (BERNAS) sebagai penerima anugerah platinum sempena Anugerah Integriti, Governans dan Anti Rasuah (AIGA) 2022.

AIGA yang julung kali dianjurkan Institut Integriti Malaysia (IIM) mengiktiraf keberkesanan saluran itu yang diuruskan pihak ketiga, sebagai antara amalan terbaik BERNAS.

Impak pelaksanaannya terbukti melalui peningkatan jumlah laporan diterima, sekali gus menunjukkan kepercayaan dan keyakinan pemberi maklumat berhubung kebebasan dan keselama-

tan organisasi untuk melaporkan kesalahan integriti dan rasuah dalam organisasi berkenaan.

Anugerah Platinum itu disampaikan Timbalan Perdana Menteri, Datuk Seri Fadillah Yusof kepada Pengarah Urusan Kumpulan BERNAS, Datuk Haris Fadillah Hassan pada majlis yang berlangsung di Auditorium IIM, malam kelmarin.

Pemenang Kategori Platinum dipilih daripada senarai lima penerima Anugerah Emas utama yang mendapat markah tertinggi.

Selain BERNAS, empat lagi adalah Jabatan Bomba dan Penyelamat Malaysia (JBPM), Johor Port Berhad, Tenaga Nasional Berhad (TNB) serta North-



Fadillah menyampaikan Anugerah Platinum kepada Haris Fadillah pada majlis penyampaian Anugerah Integriti Governans dan Anti Rasuah (AIGA) 2022 di Institut Integriti Malaysia. (Foto Asyraf Hamzah/BH)

port Bhd.

Selain Anugerah Platinum, AIGA 2022 turut menampilkan 16 Anugerah Emas, 34 Anugerah Perak dan 42 Anugerah Gangsa.

Fadillah dalam ucapannya berkata, penekanan kepada nilai integriti dan tata kelola yang baik dalam pentadbiran organisasi adalah antara tonggak utama kerajaan.

Justeru, beliau berkata, kerajaan tidak berkompromi dengan segala bentuk rasuah dan penye-

lewengan ketika negara sedang dalam fasa penyusunan semula (reformasi) dan pembaharuan.

Katanya, amalan ketelusan dan kebertanggungjawaban dapat menjamin kemakmuran dan kesejahteraan negara serta rakyat.

"Kerajaan hari ini juga komited untuk menerapkan nilai integriti dan tadbir urus yang baik dalam rangka kerja masyarakat. Kedua-dua komponen itu saling melengkapi antara satu sama lain," katanya.